

গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা

সংবাদ গতিধারা

ঢাকা, মঙ্গলবার ১ নভেম্বর ২০১৬, ১৭ কার্তিক ১৪২৩

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। কর দিতে কেউ যেন হয়রানির শিকার না হয় : প্রধানমন্ত্রী
- ২। জাতীয় ক্রিকেট দলকে মন্ত্রিসভার অভিনন্দন
- ৩। জেএসসি ও জেডিসি পরীক্ষা আজ শুরু
- ৪। বিভিন্ন থানায় ওসি পদে এএসপি নিয়োগের সিদ্ধান্ত স্থগিত
- ৫। শৃঙ্খলা ভঙ্গ করলে ছাড় দেওয়া হবে না : সড়ক পরিবহণ ও সেতুমন্ত্রী
- ৬। বিচার বিভাগ পৃথককরণ দিবস আজ
- ৭। বিলুপ্ত ছিটমহলসহ সব ইউনিয়ন পরিষদে শাস্তিপূর্ণভাবে ভোট গ্রহণ সম্পন্ন : প্রধান নির্বাচন কমিশনার
- ৮। সৌদি আরবের পবিত্র স্থান মকায় হামলার নিন্দা বাংলাদেশের
- ৯। দুর্নীতির অভিযোগ প্রমাণিত হওয়ায় গ্রামীণফোনকে ৩০ কোটি টাকা জরিমানা
- ১০। আজ জাতীয় যুব দিবস

চলমান পাতা-২

১। কর দিতে কেউ যেন হয়রানির শিকার না হয় : প্রধানমন্ত্রী

সর্বেচ করদাতা ২০ ব্যক্তি প্রতিষ্ঠানের পরিবর্তে ১২৫ ব্যক্তি ও প্রতিষ্ঠানকে ট্যাক্স কার্ড দেবে সরকার। এ জন্য জাতীয় ট্যাক্স কার্ড নীতিমালা (সংশোধন) ২০১০ খসড়া অনুমোদন করেছে মন্ত্রিসভা। এছাড়া গম ও ভুট্টার উন্নয়ন সংক্রান্ত নীতি প্রণয়ন ও বাস্তবায়নে মন্ত্রিসভা ‘বাংলাদেশ গম ও ভুট্টা গবেষণা ইনসিটিউট আইন-২০১৬’ এবং ‘বাংলাদেশ পাট গবেষণা ইনসিটিউট আইন-২০১৬’-এর খসড়া অনুমোদন দিয়েছে। সচিবালয়ে গতকাল ৩১ অক্টোবর সোমবার প্রধানমন্ত্রী শেখ হাসিনার সভাপতিত্বে মন্ত্রিসভার নিয়মিত বৈঠকে এ অনুমোদন দেওয়া হয়। সূত্র-জনকর্ত্ত (পৃ.১,ক.৭), সংবাদ (শেষ পৃ.,ক.১), অবজারভার (শেষ পৃ.,ক.২), ডেইলি সান (শেষ পৃ.,ক.১)।

২। জাতীয় ক্রিকেট দলকে মন্ত্রিসভার অভিনন্দন

ইংল্যান্ডের সঙ্গে শেষ টেস্টে ঐতিহাসিক বিজয়ের জন্য জাতীয় ক্রিকেট দলকে অভিনন্দন জানিয়েছেন মন্ত্রিসভা। সচিবালয়ে গতকাল ৩১ অক্টোবর সোমবার প্রধানমন্ত্রী শেখ হাসিনার সভাপতিত্বে অনুষ্ঠিত মন্ত্রিসভার নিয়মিত বৈঠকে এ অভিনন্দন জানানো হয় বলে জানান মন্ত্রিপরিষদ সচিব মোহাম্মদ শফিউল আলম। সূত্র-সংবাদ (শেষ পৃ.,ক.৫), ইত্তেফাক (পৃ.১,ক.৮), অবজারভার (পৃ.২,ক.১)।

৩। জেএসসি ও জেডিসি পরীক্ষা আজ শুরু

জুনিয়র স্কুল সার্টিফিকেট (জেএসসি) ও জুনিয়র দাখিল সার্টিফিকেট (জেডিসি) পরীক্ষা শুরু হচ্ছে আজ। সকাল দশটায় আটটি সাধারণ ও একটি মাদ্রাসা বোর্ডের অধীনে এ পরীক্ষায় অংশ নেবে ২৪ লাখ ১২ হাজার ৭৭৫ জন পরীক্ষার্থী। শিক্ষার্থীদের পরীক্ষা শুরু হওয়ার অন্তত ৩০ মিনিট আগে কেন্দ্রে উপস্থিত থাকতে শিক্ষা মন্ত্রণালয়ের পক্ষ থেকে অনুরোধ জানানো হয়েছে। নকলমুক্ত পরীক্ষা গ্রহণ ও প্রশ্নপত্র ফাঁস হওয়া প্রতিরোধে এবার প্রয়োজনীয় সকল ব্যবস্থা গ্রহণ করা হয়েছে বলে জানিয়েছেন শিক্ষামন্ত্রী নুরুল ইসলাম নাহিদ। সূত্র-জনকর্ত্ত (পৃ.১,ক.৪), ইত্তেফাক (পৃ.১,ক.৪), অবজারভার (শেষ পৃ.,ক.৮), ডেইলি সান (শেষ পৃ.,ক.৮)।

৪। বিভিন্ন থানায় ওসি পদে এএসপি নিয়োগের সিদ্ধান্ত স্থগিত

বিভিন্ন থানায় ভারপ্রাপ্ত কর্মকর্তা (ওসি) পদে সহকারী পুলিশ সুপার (এএসপি) নিয়োগের সিদ্ধান্ত নেওয়া হলেও তা স্থগিত করা হয়েছে। গতকাল ৩১ অক্টোবর সোমবার রাতে স্বরাষ্ট্রমন্ত্রী আসাদুজ্জামান থান কামাল বলেন, পুলিশ সদর দপ্তর এ ধরণের সিদ্ধান্ত নিয়েছিল। তবে মন্ত্রণালয় থেকে আপাতত তা স্থগিত করা হয়েছে। এর আগে গতকাল ৩১ অক্টোবর সোমবার পুলিশ পরিদর্শকরা ওসি পদে পরিদর্শকদের বহাল রাখার দাবিতে আইজিপি এ কে এম শহীদুল হকের সঙ্গে বৈঠক করেন। পুলিশ প্রধান তাদের দাবিত বিষয়টি পর্যালোচনা করার আশ্চর্ষ দেন। সূত্র-সমকাল (পৃ.৩,ক.৭), ইত্তেফাক (পৃ.২,ক.৪), জনকর্ত্ত (শেষ পৃ.,ক.৮)।

৫। শৃঙ্খলা ভঙ্গ করলে ছাড় দেওয়া হবে না : সড়ক পরিবহণ ও সেতুমন্ত্রী

আওয়ামী লীগের সাধারণ সম্পাদক এবং সড়ক পরিবহণ ও সেতুমন্ত্রী ওবায়দুল কাদের বলেছেন, দলীয় শৃঙ্খলা ভঙ্গ করলে কাউকে ছাড় দেওয়া হবে না। মন্ত্রী বলেন, প্রধানমন্ত্রী শেখ হাসিনার অর্জনকে কতিপয় নেতাকর্মী বা জনপ্রতিনিধির খারাপ আচরণের জন্য ম্লান হতে দেওয়া হবে না। তিনি বলেন, যারা দলীয় শৃঙ্খলাবিরোধী এবং অপকর্ম করে তাদের সময় থাকতে সংশোধন হওয়া উচিত। তা না হলে কাউকে ছাড় দেওয়া হবে না। গতকাল ৩১ অক্টোবর সোমবার রাজধানীর মোহাম্মদপুরের সূচনা কমিউনিটি সেন্টারে জেলহত্যা দিবস উপলক্ষে আওয়ামী লীগের এক বৰ্ধিত সভায় প্রধান অতিথির বক্তব্যে এ কথা বলেন। সূত্র-সংবাদ (শেষ পৃ.,ক.২), ইত্তেফাক (শেষ পৃ.,ক.৪), ডেইলি সান (পৃ.২,ক.৩), এশিয়ান এজ (শেষ পৃ.,ক.৪)।

৬। বিচার বিভাগ পৃথক্করণ দিবস আজ

বিচার বিভাগ পৃথক্করণ দিবস আজ। ২০০৭ সালের ১ নভেম্বর সুপ্রিম কোর্টের নির্দেশে সরকারের নির্বাচী বিভাগ থেকে বিচার বিভাগ পৃথক করা হয়। দিবসটির নবম বর্ষপূর্তি উপলক্ষে প্রধান বিচারপতি সুরেন্দ্র

কুমার সিনহা বাণী দিয়েছেন। বাণীতে তিনি বঙ্গবন্ধুর নেতৃত্বে প্রণীত ১৯৭২ সালের সংবিধানের ১১৬ অনুচ্ছেদটি পুনঃপ্রবর্তন সময়ের দাবি বলে মন্তব্য করেছেন। সূত্র-সমকাল (পৃ.২,ক.২), জনকর্ত্ত (পৃ.১,ক.২), অবজারভার (পৃ.১,ক.৬), এশিয়ান এজ (শেষ পৃ.,ক.১)।

৭। **বিলুপ্ত ছিটমহলসহ সব ইউনিয়ন পরিষদে শান্তিপূর্ণভাবে ভোট গ্রহণ সম্পন্ন :** প্রধান নির্বাচন কমিশনার প্রধান নির্বাচন কমিশনার কাজী রফিকবউদ্দিন আহমদ বলেছেন, এবারের ইউনিয়ন পরিষদ নির্বাচনের একটি ঐতিহাসিক দিক হল বিলুপ্ত ছিটমহলবাসীদের ভোটাধিকার প্রয়োগ। তিনি বলেন, বিলুপ্ত ছিটমহলের ২২টিসহ ৩৯৯টি ইউনিয়ন পরিষদে গতকাল ৩১ অক্টোবর সোমবার শান্তিপূর্ণ পরিবেশে নির্বাচন অনুষ্ঠিত হয়েছে। আদালতের নির্দেশ থাকায় ১৫টি ইউনিয়ন পরিষদে নির্বাচন স্থগিত করা হয়েছে। ভোটগ্রহণ শেষে সন্ধ্যা ৬টার দিকে রাজধানীর শেরে বাংলানগরস্থ নির্বাচন কমিশন মিডিয়া সেন্টারে প্রেস ব্রিফিংয়ে তিনি এসব কথা বলেন। সূত্র-ইত্তেফাক (শেষ পৃ.,ক.১), সংবাদ (শেষ পৃ.,ক. ৫), বাংলাদেশ টুডে (পৃ.১,ক.২), ডেইলি সান (পৃ.১,ক.৮)।

৮। **সৌদি আরবের পরিত্র স্থান মুক্তায় হামলার নিন্দা বাংলাদেশের**

ইসলাম ধর্মের পরিত্র স্থান সৌদি আরবের মুক্তা নগরী লক্ষ্য করে ইয়েমেনের হতি বিদ্রোহীদের ক্ষেপণাস্ত্র হামলায় বাংলাদেশ গভীর উদ্বেগ প্রকাশ করেছে। গতকাল ৩১ অক্টোবর সোমবার পররাষ্ট্র মন্ত্রণালয়ের এক প্রেস বিজ্ঞপ্তিতে বলা হয়, মুসলিম উম্মাহর বিশ্বাস ও ঐক্যের মৌলিক প্রতীক এই স্থাপনায় এ ধরনের হামলার কঠোর নিন্দা জানিয়েছে বাংলাদেশ। দু'টি পরিত্র মসজিদ রক্ষা ও নিরাপত্তায় সৌদি আরবের সরকার ও জনগণের পাশে দাঁড়ানোর অঙ্গীকার পূর্ব্যক্ত করেছে বাংলাদেশ। সূত্র-ইত্তেফাক (পৃ.২,ক.৫), যুগান্তর (পৃ.২,ক.৮), ডেইলি সান (পৃ.৩,ক.১) এশিয়ান এজ (শেষ পৃ.,ক.৬)।

৯। **দুর্নীতির অভিযোগ প্রমাণিত হওয়ায় গ্রামীণফোনকে ৩০ কোটি টাকা জরিমানা**

‘গো ব্রডব্যান্ড’ নামের অবৈধ সেবা দেওয়ায় গ্রামীণফোনকে ৩০ কোটি টাকা জরিমানা করেছে নিয়ন্ত্রক সংস্থা বিটিআরসি। কমিশনের গত ২৬ অক্টোবর বুধবারের সভায় এ সিদ্ধান্ত নেওয়া হয় এবং গত ৩০ অক্টোবর রোববার বিটিআরসির চেয়ারম্যান এ সিদ্ধান্ত অনুমোদন করে স্বাক্ষর করেন। এ প্রসঙ্গে কমিশন চেয়ারম্যান শাহজাহান মাহমুদ বলেন, অপরাধ প্রমাণিত হওয়ায় জরিমানার সিদ্ধান্ত নেওয়া হয়েছে। সূত্র-যুগান্তর (পৃ.৩,ক.৬), সংবাদ (পৃ.১৩,ক.৪), এশিয়ান এজ (পৃ.১১,ক.৬)।

১০। **আজ জাতীয় যুব দিবস**

আজ ১ নভেম্বর মঙ্গলবার জাতীয় যুব দিবস। এ বছর মূল প্রতিপাদ্য ‘আত্মকর্মী যুবশক্তি, টেকসই উন্নয়নের মূলভিত্তি’। এ উপলক্ষে বানী দিয়েছেন রাষ্ট্রপতি মো. আবদুল হামিদ ও প্রধানমন্ত্রী শেখ হাসিনা। সারাদেশে দিবসটি যথাযোগ্য ঝর্ণাদার সঙ্গে পালনের উদ্যোগ নেওয়া হয়েছে। ওসমানী স্থূতি মিলনায়তনে ‘জাতীয় যুবদিবস-২০১৬’র কর্মসূচির উদ্বোধন করবেন প্রধানমন্ত্রী শেখ হাসিনা। সূত্র-জনকর্ত্ত (পৃ.২,ক.১), ইত্তেফাক (পৃ.১,ক.১), ডেইলি সান (পৃ.২,ক.১), বাংলাদেশ টুডে (পৃ.২,ক.১)।

সম্পাদকীয়

- ক. **ইতেফাক :** হকারদের পরিকল্পিতভাবে পুনর্বাসন না করতে পারলে দেশের ক্ষুদ্র ও মাঝারি শিল্পে উৎপাদন ও বিপণন বাজারে বিরূপ প্রভাব পড়ার আশঙ্কা প্রকাশ ।
- খ. **সংবাদ, প্রথম আলো, যায়ায়াদিন, অবজারভার, ডেইলি স্টার, নিউ এজ :** ব্রাক্ষণবাড়িয়া ও হবিগঞ্জে মন্দিরে হামলা ও লুটপাটে জড়িতদের চিহ্নিত করে কঠোর বিচার করা না হলে বাংলাদেশে সাম্প্রদায়িকতার শেকড় গেড়ে বসবে বলে অভিমত ।
- গ. **জনকর্ত্ত :** লবণের মূল্য কারসাজির সঙ্গে জড়িতদের বিরুদ্ধে শাস্তিমূলক ব্যবস্থা গ্রহণের পাশাপাশি লবণের দাম যে কোনোভাবে সহনীয় পর্যায়ে আনার সুপারিশ ।
- ঘ. **সংবাদ :** ৮৫টি দায়ি গাড়ি নিলামের উদ্যোগ নিয়ে চট্টগ্রাম কাস্টমস কর্তৃপক্ষের বেহাল অবস্থার চিত্র তুলে ধরে নিলাম প্রতিক্রিয়ার ফাঁকফোকর বন্ধ করে নতুন নিয়মে দরপত্র চাওয়ার আহ্বান ।
- ঙ. **ইনকিলাব :** রাজধানীর দখল হয়ে যাওয়া পার্কগুলো উদ্বার করে সেগুলোসহ বিদ্যমান ৪৯টি পার্কের যথাযথ সংরক্ষণে সংশ্লিষ্ট কর্তৃপক্ষের ব্যবস্থা নেওয়ার সুপারিশ ।
- চ. **ইতেফাক, সংবাদ, প্রথম আলো, সমকাল, যুগান্তর, যায়ায়াদিন, ইনকিলাব, ইভিপেনডেন্ট, ডেইলি সান, ডেইলি স্টার :** ইংল্যান্ডের বিপক্ষে টেস্টে জয়ী হওয়ায় বাংলাদেশ ক্রিকেট দলকে অভিনন্দন জানিয়ে জয়ের এই ধারা অব্যাহত রাখার প্রত্যাশা ব্যক্ত ।
- ছ. **ইভিপেনডেন্ট :** গ্রামে বসবাসরাত জনগোষ্ঠীর জন্য গুণগত মান সম্পন্ন স্বাস্থ্যসেবা নিশ্চিত করতে স্বাস্থ্য মন্ত্রণালয় ও স্বাস্থ্য অধিদপ্তরকে অঞ্চলী ভূমিকা পালনের আহ্বান ।
- জ. **এশিয়ান এজ :** মৎলা-ঘষিয়াখালি চ্যানেলের উদ্বোধন হওয়ায় সুন্দরবনের ভিতরের নদী দিয়ে নৌ যান চলাচলের বিকল্প পথ বন্ধ করে দেওয়ার প্রত্যাশা ।
- ঝ. **নিউ নেশন :** ক্ষুদ্র ও মাঝারি পর্যায়ের ব্যবসায়ীদের জন্য চলতি অর্থবছরে ভ্যাট প্যাকেজ পুনর্বিবেচনা করার সুপারিশ ।

উপ-সম্পাদকীয়

সমকাল পত্রিকায় প্রকাশিত কলামে প্রগতিশীল রাজনীতির প্রতি মধ্য শ্রেণির অনীহাই বর্তমানে বাংলাদেশের রাজনীতির সব থেকে বড় সংকট বলে উল্লেখ করা হয়েছে ।

নিবন্ধ ও ফিচার

ইতেফাক পত্রিকায় প্রকাশিত ‘অমনোযোগি হওয়ার অর্থ বখাটে হওয়া নয়’ শিরোনামের নিবন্ধে অধ্যাপক ডা. প্রাণ গোপাল দত্ত অটিজম স্পেকট্রাম ডিজঅর্ডার রোগীদের চিকিৎসক ও পরিবারের সার্বিক সহযোগিতা তাদেরকে ভুল পথে বা ডিপ্রেশন, অতিমাত্রায় সংবেদনশীল এবং আসক্তি থেকে দূরে রাখতে পারে বলে অভিমত প্রকাশ করেছেন ।

#

শুকলা/মরজিনা/রশীদ/২০১৬/৯.০০ ঘন্টা